

Adroddiad i'r:	Cabinet
Dyddiad y Cyfarfod:	30 Gorffennaf 2013
Aelod/Swyddog Arweiniol:	Cyng. Bobby Feeley
Awdur yr Adroddiad:	Leighton Rees
Teitl:	Sefydlu Tîm Integredig Cymorth i Deuluoedd

1. Am beth mae'r adroddiad yn sôn?

Gweithredu dyletswydd statudol i sefydlu Tîm Integredig Cymorth i Deuluoedd

2. Beth yw'r rheswm dros lunio'r adroddiad hwn?

I gael cytundeb gan y Cabinet i sefydlu Tîm Integredig Cymorth i Deuluoedd yn Sir Ddinbych

3. Beth yw'r Argymhellion?

Bod y Cabinet yn cytuno'r trefniadau arfaethedig ar gyfer Sir Ddinbych

4. Manylion am yr Adroddiad.

Cyflwynodd Mesur Plant a Theuluoedd (Cymru) 2010 Llywodraeth Cymru ddyletswydd ar Awdurdodau Lleol i sefydlu Tîm Integredig Cymorth i Deuluoedd a Bwrdd Integredig Cymorth i Deuluoedd. Roedd yn creu oblygiadau i'r Bwrdd Iechyd Lleol gymryd rhan yn sefydlu a chefnogi'r Awdurdod Lleol i gydymffurfio'n foddhaol. Canolbwynt y fenter yw gweithio gyda rhai o'r teuluoedd mwyaf heriol yr ydym yn gweithio gyda hwy i'w galluogi i wella diogelwch a sylw eu plant a lleihau'r risg yn sylweddol.

Yn gychwynnol roedd hyn yn cael ei arloesi gan nifer o Awdurdodau Lleol o 2010/11 ymlaen. Mae'n amser dechrau'r cam olaf yn awr sy'n cynnwys pump o'r chwe Awdurdod yng Ngogledd Cymru am y tro cyntaf. Disgwylir y bydd yn weithredol o 31 Rhagfyr 2013.

Y cyllid ar draws y chwe awdurdod yw £850,000. Mae trafodaethau wedi'u cynnal gyda chwe Pennaeth y Gwasanaeth a gwnaed cytundeb ar y trefniadau canlynol. Bydd Gwynedd ac Ynys Môn yn uno gyda'i gilydd a bydd Sir y Fflint a Wrecsam yn uno sefydlu tîm ar gyfer eu hardaloedd. Bydd y timau hyn yn canolbwyntio ar ddarparu dimensiwn dwys y model yn unig (Cam 1)

Gan ystyried y cyd-destun cyfredol sydd gan Conwy a Sir Ddinbych a'r gwasanaeth sydd gan y ddau awdurdod sydd â nifer o nodweddion IFSS mewn perthynas ag ymglymiad roedd mwy o bwrpas i ni uno'r datblygiad hwn i'n Gwasanaethau Cymorth i Deuluoedd ym mhob sir. Byddai'n cynnwys llai o gostau ychwanegol hefyd

mewn perthynas â gorbenion, rheoli trefniadau, cymhlethdodau yn ymwneud â gweithgaredd mewnol cyfredol. Byddai hyn yn ein galluogi i gefnogi nifer fechan (3 i 6 o deuluoedd) am gyfnod byr o amser (cam 1) drwy ymgysylltiad dwys a gwasanaeth dilynol sy'n canolbwyntio ar atal difetha unrhyw gynnydd a wnaed yn ystod y cyfnod dwys (cam 1).

Golyga hyn y bydd ein Tîm Gwasanaethau Therapiwtig yn cael ei ymestyn i gynnwys Tîm Integredig Cymorth i Deuluoedd byddwn yn ceisio cynyddu'r sefydliad/nifer y swyddi o 3. Bydd y rhain yn naill ai weithwyr iechyd neu'n weithwyr cymdeithasol (mae'n rhaid cael o leiaf un swydd iechyd) y canolbwynt fydd gweithwyr gyda phrofiad therapiwtig yn benodol camddefnyddio sylweddau, iechyd meddwl ac anawsterau dysgu. Bydd hyn, gyda'r gefnogaeth ychwanegol gan Wasanaeth Cefnogi Teuluoedd Oriau Deffro yn ein darparu gydag ymagwedd bositif iawn i ddelio â phroblemau teuluoedd ym mhob cam a lefelau o ddwysedd ac angen.

Cytunwyd y bydd y gofyniad ar gyfer Bwrdd yn cael ei ddarparu gan Fwrdd Cymorth i Deuluoedd Gogledd Cymru. Ar lefel leol byddwn yn ceisio sefydlu grŵp gweithredol i sicrhau fod y dyletswyddau yn cael eu cyflawni.

5. Sut mae'r penderfyniad yn cyfrannu at y Blaenoriaethau Corfforaethol?

Mae'r Gwasanaeth sy'n cael ei ddarparu yn ymestyn yr amrywiaeth o wasanaethau sydd ar gael i deuluoedd sydd â phlant sy'n agored i niwed a'r plant sydd angen ymglymiad dwys i ddelio â'u hanghenion.

6. Beth fydd yn ei gostio a sut bydd yn effeithio ar wasanaethau eraill?

Mae'r adnoddau ar gyfer trefniadau IFST Gogledd Cymru wedi'u dosrannu yn seiliedig ar Asesiad Gwariant Cyffredinol ac ar gyfer Sir Ddinbych mae hyn yn golygu £136,273. Yn 2013/14 ceir mynediad at hyn drwy grant sy'n cael ei reoli gan Gyngor Wrecsam. Yn 2014/15 bydd yr adnoddau yn cael eu hychwanegu at Grant Cefnogi Refeniw.

7. Beth yw prif gasgliadau'r Asesiad o Effaith ar Gydraddoldeb a gynhaliwyd am y penderfyniad? Dylid cynnwys yr Asesiad o Effaith ar Gydraddoldeb a gwblhawyd fel atodiad i'r adroddiad.

Nid oes Goblygiadau Cydraddoldeb penodol ar gyfer yr adroddiad hwn, heblaw ei fod yn delio ag anghenion plant sy'n agored i niwed yng nghyd-destun eu teuluoedd.

8. Pa ymgynghoriadau a gynhaliwyd gydag Archwilio ac eraill?

Rydym wedi ymgynghori gyda Bwrdd Iechyd Lleol Prifysgol Betsi Cadwaladr, ac Awdurdodau Lleol eraill sy'n cefnogi'r datblygiadau arfaethedig

9. Datganiad y Prif Swyddog Cyllid

Mae'n rhaid cynnwys unrhyw gostau ychwanegol yn y cyllid sydd ar gael

10. Pa risgiau sy'n bodoli ac oes unrhyw beth y gallwn ei wneud i'w lleihau?

Mae'r risgiau posibl yn debyg i'r rhai sydd wedi'u cynnwys yn y gofrestr risg ar gyfer Gwasanaethau Plant a Theuluoedd

11. Pŵer i wneud penderfyniad

Mae Mesur Plant a Theuluoedd (Cymru) 2010 yn creu dyletswydd ar Awdurdodau Lleol i sefydlu Tîm Integredig Cymorth i Deuluoedd fel y cynigir.